

Agenda 2025

Cussegl da vischnaunca

M E S S A D I

dalla suprastanza communal a al cussegl da vischnaunca

Stimada signura presidenta
Stimadas signuras cusseglieras
Preziai signurs cussegliers

1. Introducziun

La suprastanza communal vegn a definir el decuors dil schaner 2025 sia strategia e las finamiras per la legislatura 2025/2028. Per contonscher las finamiras che vegnan definidas ei previu annualmein rodund otg sedutas ordinarias dil cussegl da vischnaunca. Tut tenor diember da fatschentas sa vegnir convocau ulteriuras sedutas extraordinarias. En gliez cass vegness coordinau il termin ensemen cul biro dil cussegl da vischnaunca.

2. Termins

Suandonts termins ordinaris per las sedutas dil cussegl da vischnaunca ein planisai igl onn 2025:

- Venderdis, 10-01-2025
- Venderdis, 14-02-2025
- Venderdis, 28-03-2025
- Mesjamna, 30-04-2025
- Mesjamna, 18-06-2025
- Mesjamna, 10-09-2025
- Venderdis, 31-10-2025
- Venderdis, 05-12-2025

Las sedutas dil cussegl da vischnaunca ein mintgamai planisadas venderdis ni mesjamna sera (entschatta: 19:30 uras). Plinavon duei la seduta - sche pusseivel - cuzzar entochen max. allas 22:00, per aschia aunc saver tgirar silsunter il bien spèrt da cuminonza e guder empau la buna cumpignia. Las bunas modas d'avon onns astgan senz'auter vegnir mantenidas.

3. Fatschentas

Sper las fatschentas ordinarias (quen, plan da finanzas e preventiv) cheu ina survesta d'entginas fatschentas ch'ei previstas da tractar durant la perioda d'uffeci 2025-2028:

- Revisiun totala planisaziun locala (plan da zonas, lescha da baghegiar)
- Revisiun parziala planisaziun locala: Habitaziuns zona da mistregn
- Revisiun parziala planisaziun locala: Zona turistica

- Revisiun constituziun communal
- Revisiun parziala leschas allontanament e purificaziun auas / provediment d'aua
- Revisiun lescha davart l'organisaziun en cass da crisa
- Nova lescha davart igl uorden ed il ruaus public

- Sanaziun passapei Via Alpsu e realisaziun fermada Cucagna
- Sanaziun Via Cons
- Sanaziun ulteriuras vias tenor program dil plan da finanzas
- Credit projects fotovoltaics tetg halla Cons e tetg scoletta
- Planisaziun e realisaziun d'in center da sanadad
- Planisaziun e realisaziun luvratori communal
- Projectaziun e credit sanaziun ed engrondaziun serenera Raveras
- Projectaziun e realisaziun archiv cultural – Casa da scola Segnas
- Proxima etapa Center Fontauna
- Planisaziun e sanaziun casa da scola



- Project "augmentar l'attractividad dil center dil vitg" - mesira "Cons" (famiglias)
- Project "augmentar l'attractividad dil center dil vitg" - mesira "Casa Communal"
- Project "augmentar l'attractividad dil center dil vitg" - mesira "Nani Bazar"
- Concept da parcar
- Strategia spazi da habitar
- Cuntinuaziun contractivas acquist parcella Hess (mesira "vitg")
- Realisaziun senda Cufions – Fontanivas (Gletschermühlenweg)
- Adattaziun dallas taxas da hosps e dallas taxas da turissem

Ulteriuras fatschentas ch'ei buca numnadas san tut tenor necessitad e prioritad medemamein vegnir tractadas duront ina dallas sedutas ordinarias ni extraordinarias dil cussegl da vischnaunca.

4. Proposta

Sin fundament dallas ponderaziuns suramenziunadas propona la suprastonza communal a Disentis/Mustér al cussegl da vischnaunca da:

- prender enconuschientscha dall'agenda 2025 dil cussegl da vischnaunca

Suprastonza communal Disentis/Mustér	
Il president:	Il meinafatschenta:
	
René Epp	Roland Cajacob

Disentis/Mustér, ils 25 da november 2024